



Angqyangz Yaek Caeuq Bouxwnq Faenyiengj

快乐要和别人分享

Youq gwnzbiengz, angqyangz ceiq cigndaej faenyiengj. Mwngz ndaejdaengz faenh angqyangz he, couh caeuq bouxwnq faenyiengj, hix hawj bouxwnq caez angq.

De dwg dah niq he, gwndaenj youq ndaw guh' wzyen, de mbouj miz gijmaz saeh angq. Hoeng miz ngoenz ndeu, de yawjraen henz loh miz nyeuq rin gyaundeidei ndeu, saekheuloeg, gwnzde miz raizva. De angq dwk gip nyeuq rin luenz raeuz neix hwnjdaej, De angq dwk naeuz: "Gou gip ndaej

buet daengz laj suiylungzdouz bae swiq le youh swiq. Dah niq neix roxyiuj, neix dwg nyeuq rin' gyaec bingzciengz he, hoeng youq ndaw da de, couh lumj nyeuq rinbauj he baenzneix dijbauj. De siusim riri gaem nyeuq rin neix, aenda gaenjgaenj cim dwk de, lumjbaenz lau de buetdeuz nei.

De buet daengz ndaw fuengz bae, de siengj caeuq bouxwnq faenyiengj gij angqyangz swheij. De caeuq dah niq he naeuz: "Neix dwg gou youq henz loh gip ndaej, mwngz raen de ndeiyaewj lwi?" "Gyaecjndei lai lo!" De youh heuh doengzhag wng daeuj yawj. Cij yaep ndeu, gyoengq lwnyeuz cungj buet gvaqdaej lo, angq dwk cam: "Mwngz gip ndaej gijmaz ha?" De angq dwk naeuz: "Gou gip ndaej

doxgaiq beij rinbauj lij dwggvaez!" Gangj sat, couh dawz nyeuq rin neix yaengx hwnj sang. Nyeuq rin youq laj daeng yienhndaej ronghmyabmyab. "Va!" Gyoengq lwnyeuz cungj geizheih cimyawj nyeuqrin, daihgva cungj caez haenh hwnjdaej. Gyoengqde cungj hozhaenz dahniq miz faenh "angqyangz" neix, cungj siengj ndaej gaem nyeuqrin youq ndaw fwngz swheij. Dahniq yawj ndaej ok gij lwgda gyoengq lwnyeuz cungj maqmuengh neix, roxdaengz faenh angqyangz neix yaek caeuq bouxwnq faenyiengj, ndigah dawz nyeuq rin- gyaec yaengx sang haenx cuengq roengzdaej, naeuz: "Sou daeuj lumh- lumh de, raeuz caez guhcaemz ba!" Sawqmwh, aen fuengz neix beij

seizlawz cungj angqyangz nauhyied.

Gyoengq lwnyeuz gig gyaec nyeuq rin neix, couh siengj dawz nyeuqrin cuengq youq gizdieg yienhda. Miz mbangj naeuz cuengq youq ndaw suisiz, miz mbangj naeuz cuengq youq ndaw gangbya, doeklaeng dahniq naeuz: "Angqyangz yaek caeuq bouxwnq faenyiengj!" Ndigah daihgva gietdingh, dawz nyeuq rin neix dauq cuengq daengz henz loh bae.

Angqyangz yaek caeuq bouxwnq faenyiengj. Dahniq ndaw guh' wzyen guh daengz lo, gou hix yaek yienghneix, danghnaeuz raeuz cungj rox angqyangz yaek caeuq daihgva faenyiengj, yienghneix sojmiz vunz cungj ndaej angqyangz lo!

(Yangz Mung)

Gou Yaek Hwnj Daihhag

我要上大学

Daxboh okrog dajgoeng gaenq haujlai ngoenz lo, hoeng gou lij ciengz siengj hwnj coenzvah daxboh.

Ngoenzhaenx banhaemh, gou cingq sij cozyez, daxboh doiq gou naeuz: "Mwngz siengj mbouj siengj hwnj daihhag?"

"Siengj ha, hoeng gou mbouj dwg cibfaen siengj." Gou sim mbouj youq dieg han daxboh.

"Vih gijmaz?" Daxboh dingq gou gangj le gig doeksaet, aennaj sawqmwh raemh lo, "Mbanj raeuz cij ok boux daihhagseng Cinghvaz he, mwngz couh mbouj siengj dang boux daihngaih ha?"

"Gou siengj, gou siengj baenz boux daih' it okguek louzhag." Gou giendingh naeuz. "Mbouj- gvaq, gou mbouj siengj hawj sou

vih soengq gou doeg daihhag daiq sinhoj."

"Mwngz siengj lai lo, cijaeu mwngz gauj ndaej hwnj, bae daengz gizlawz doeg, dou couh soengq daengz gizde, ndaej soengq dahlwg doeg daihhag, dwg gij vuenyungz ceiq hung dou." Daxboh angq dwk naeuz, "Yienghneix mwngz seizneix yaek baenzlawz guh ne?"

"Yaek ndeindei hagsib, gaenx doegsaw. Hwnjdangz gaxgonq sien yisiz, hwnjdangz gvaq le yaek fuzsiz, lai guh lienhguh. Aeu gij doxgaiq wnggai boih haenx boih sug, aeu gij cihsiz wnggai gaemdawz haenx gaemdawz ndei."

"Mboujdan dwg yienghneix, vanzlij miz saenqsim, saenq swhe-



geij naengz gauj hwnj daihhag." Aennaj daxboh rongh le haujlai.

"Docih daxboh, gou miz saenqsim!"

"Yaek geiq maenh gij vah mwngz gangj haenx, aeu gangj daengz guh daengz bw." Daxboh gij yiemz dwk naeuz.

"Mbanj raeuz cij ok boux daihhagseng Cinghvaz he, mwngz couh mbouj siengj dang boux daihngaih ha?" Coenz vah daxboh neix itcig gujli gou. Seizneix, gou engq siengjmuengh saedceij daihhag lo, gou yaek hwnj daihhag, gou itdingh gauj ndaej hwnj daihhag!

(roek nienzgap Lij Ginjan)

Nanzhuz Gyaundeidei

美丽的南湖

Ranz gou couh youq henz Nanzhuz Gunghyenz, mboujlwnh seiz lawz, Nanzhuz cungj dwg hawj vunz gamjdaengz vuenyungz. Gou gig gyaec aen Nanzhuz gyaundeidei neix.

Nanzhuz gyanghaet gig dingh, aenhuz ninz youq ndaw gunghyenz, lumj aengingq nei, ronghcingx gyaundeidei. Song hamq huz gofaex mwncupcup, duzroeg youq gwnz faex angq dwk ciengqgo. Va' nding faexheu cungj ndiu lo, cingsaenz gvaekgvaek coux ngoenz moq daeujdaengz. Goenglaux buzlaux ceiq gyaec youq henz huz dwkgienz lienhndang.

Nanzhuz banringz gig nauhyied, mbwnlamz dauqdingq ingj youq ndaw huz, duzbya youq ndaw huz youz bae youz dauq, fwj hau mbin gvaq, duzbya lumj youq ndaw fukveh nei angq youz.

Banhaemh, daeng song hamq huz rongh hwnjdaej lo, yubyub yabyab, daujingj youq ndaw raemx, caeuq ndaundeidei gwnzmbwn daxgyau doxingj, gyaundeidei raixcaix. Gyoengq siujbaengzyoux guh sat cozyez le, angqfaengfaeng daeuj henz huz guhcaemz, bouxlaux youq henz huz diuq hwnj fouxgvangicangz, nauhyied dangqmaz!

Aen Nanzhuz gyaundeidei hawj gyoengqvunz angq youz cungj mbouj siengj dauqma!

(ngeih nienzgaep Gyangh Denhyij)



Yiengzndaem Caeuq Yiengzhau

黑羊和白羊

ndeu, yakyawj lai lo." Yiengzndaem dingq le gig siengsim, boux dog ndoj youq ndaw gungxgex lae raemxda.

Miz ngoenz ndeu, yiengz- nyoengq seiq beixnuengx bae rog ndoi youz, sawqmwh mbwn doek nae lo, nae yied doek yied hung, gyoengq yiengz- nyoengq simvueng lo, doeklaeng deng loeng roen lo, ndoj youq henz caz faex ndeu, caj bouxcawj daeuj gouq gyoengqde, hoeng, seiqhenz ndoi hausaksak, bouxcawj gig hoj fatyienh gyoengqde, bouxcawj ra bae ra dauq, dauqdaej fatyienh giz gyaec

dieg nae miz di saekndaem ndeu, buet gvaqbae baez yawj, cingq dwg seiq beixnuengx yiengz- nyoengq, gyoengq yiengz- nyoengq ndaej gouq lo. Bouxcawj angqvauvau naeuz: "Danghnaeuz mbouj miz yiengzndaem, gou couh ra mbouj raen gyoengqsou lo, dwg yiengzndaem gouq mingh sou ha!"

Daj seizhaenx hwnj, sam duz yiengzhau caiq mbouj riu yiengzndaem yakyawj lo, seiq beixnuengx yiengz- nyoengq youq itheij guhcaemz angq raixcaix.

(武鸣县仙湖镇中桥小学 潘金妹 hoiz)

Miz seiq beixnuengx yiengz- nyoengq, sam duz dwg yiengzhau, duz ndeu dwg yiengzndaem.

Sam duz yiengzhau gag nyinhnaeuz swheij gig gyaundeidei, ciengzseiz riu yiengzndaem naeuz: "Yawjyawj mwngz, daengx ndang ndaemndatndat, lumj ndaek danq